

大般若波羅蜜多經卷第三百九十八

霜

徇詩閔反阿練若下汝者反此欬然上許
卒起咄言相謂也讚勵下音例暇音夏樅音追
反也疲倦皮上音黠慧反智也垣墻上音圍踰繕那量踰音維
時也攔楯又下此方四里也塹七戶也樓觀聲去

福建建寧路建寧府山報員高壽堂翻校陳 覺琳 恭為

全 皇帝延 聖壽萬歲志德傳同資 祿位慕飛騰刊

聖德金藏經板流傳諸讀者 延祐二年 月 日 謹

大般若波羅蜜多經卷第三百九十九 霜

三藏法師 玄奘奉 詔譯

初分常啼菩薩品第七十七之二

時天帝釋即復本形在常啼前曲躬而立讚
 言大士善哉善哉為法至誠堅固乃余過去
 諸佛為菩薩時亦如大士以堅固願求深般
 若波羅蜜多方便善巧請問菩薩所學所乘
 所行所作心無厭倦成熟有情嚴淨佛土已
 證無上正等菩提大士當知我實不用人血

心髓但來相試今何所願我當相與以酬輕
 觸損惱之愆常啼報言我本所願唯有無上
 正等菩提天主頗能與斯願不時天帝釋赦
 然有愧白常啼言此非我力唯有諸佛大聖
 法王於法自在能與斯願大士今應除無上
 覺更求餘願我當與之常啼報曰甚深般若
 波羅蜜多亦我所願頗能惠不時天帝釋倍
 復生慙白常啼言我於此願亦不能與然我
 有力令大士身平復如故用斯願不常啼報
 言如是所願自然滿足無勞天主所以者何
 我若啓告十方諸佛發誠諦言今自賣身實
 為慕法不懷諂詐誑惑世間由此因緣定於
 無上正等菩提不退轉者令我身形平復如
 故此言未訖自能令我平復如故豈假天威
 天帝釋言如是如是佛之神力不可思議善
 薩至誠何事不辦然由我故損大士身唯願
 慈悲許辦斯事常啼菩薩便告彼言既余殷
 勤當隨汝意時天帝釋即現天威令常啼身

平復如故乃至不見少分瘡痕形貌端嚴過於往日愧謝右繞忽然不現尔時長者女見常啼菩薩希有之事轉增愛重恭敬合掌白常啼言願降慈悲暫臨我宅所須供養甚深般若波羅蜜多及說法師法湧菩薩上妙供具爲白父母一切當得我及侍從亦辭父母

隨大士往具妙香城爲欲供養甚深般若波羅蜜多及說法師法湧菩薩摩訶薩故是時常啼隨彼所願俱到其舍在門外止時長者女即入其舍白父母言願多與我家中所有上妙華鬘塗散等香衣服瓔珞寶幢幡蓋伎樂蘇油末尼真珠吠琉璃寶頗胝迦寶珊瑚

琥珀螺貝璧玉杵藏石藏帝青大青并金銀等種種供具亦聽我身及先事我五百侍女持諸供具皆當隨從常啼菩薩往妙香城爲欲供養甚深般若波羅蜜多及說法師法湧菩薩彼當爲我宣說法要我得聞已如說修行定獲無邊微妙佛法時彼父母聞已驚駭

即問女言常啼菩薩今在何處是何等人女即白言今在門外彼是大士爲欲度脫一切有情生死苦故勤求無上正等菩提及被大士愛重正法不惜身命爲欲供養菩薩所學甚深般若波羅蜜多及說法師法湧菩薩摩訶薩故入此城中處處巡環高聲唱曰我今

自賣誰欲買人我今自賣誰欲買人經於久時賣身不售愁憂苦惱在一處立涕淚而言我有何罪爲欲供養甚深般若波羅蜜多及說法師法湧菩薩摩訶薩故雖自賣身而無買者時天帝釋爲欲試驗即自化作少婆羅門來至其前問言男子汝何住此憂悲不樂

時彼大士答言儒童我爲供養甚深般若波羅蜜多及說法師法湧菩薩然我貧乏無諸財寶愛重法故欲自賣身遍此城中無相問者自惟薄福住此憂悲時婆羅門語大士曰我於今者正欲祠天不用人身但須人血人隨人心頗能賣不大士聞已歡喜踊躍以柔

更語報婆羅門仁所買者我悉能賣婆羅門
 言須幾價直大士報曰隨意相酬大士亦時
 作是語已即申右手執取利刀刺己左臂令
 出其血復割右髀皮肉置地破骨出髓與婆
 羅門復趣墻邊欲割心出我在高閣遙見是
 事作是念言此善男子何因緣故困苦其身

我嘗問之念已下聞到大士所作是問言汝
 何因緣先唱自賣今出血髓復欲割心彼答
 我曰姊不知耶我為供養甚深般若波羅蜜
 多及說法師法湧菩薩然我貧乏無諸財寶
 愛重法故先自賣身無相買者今賣三事與
 婆羅門我時問言汝今自賣身血心髓欲持

價直供養般若波羅蜜多及說法師法湧菩
 薩當獲何等功德勝利彼答我言法湧菩薩
 於甚深法已得自在當為我說甚深般若波
 羅蜜多方便善巧菩薩所學菩薩所乘菩薩
 所行菩薩所作我得聞已如說修行成熟有
 情嚴淨佛土速證無上正等菩提得金色身

具三十二大丈夫相八十隨好圓滿莊嚴常
 光一尋餘光無量具佛十力四無所畏四無
 礙解大慈大悲大喜大捨十八不共法無
 忘失法恒住捨性五淨眼六神通不可思議
 清淨戒蘊定蘊慧蘊解脫蘊解脫智見蘊無
 障智見無上智見得一切智道相智一切相

智具足一切無上法寶分布施與一切有情
 與諸有情作所依止我捨身命為供養彼當
 獲此等功德勝利我時聞說如是殊勝不可
 思議微妙佛法歡喜踴躍身毛皆豎恭敬合
 掌而白彼言大士所說第一廣大最勝微妙
 甚為希有為獲如是一一佛法尚應棄捨如

苑伽沙所重身命況唯捨一所以者何若得
 如是微妙功德則能利樂一切有情大士家
 貧尚為如是微妙功德不惜身命況我家富
 多有珍財為是功德而不棄捨大士今應勿
 復自害所須供具盡當相與所謂金銀吠琉璃
 瑠寶頗脰迦寶末尼真珠杵藏石藏螺貝璧

玉帝青大青珊瑚琥珀及餘無量異類珍財
華香瓔珞寶幢幡蓋伎樂燈明車乘衣服并
餘種種上妙供具可持供養甚深般若波羅
蜜多及說法師法湧菩薩唯願大士勿復自
害我身亦願隨大士往法湧菩薩摩訶薩所
俱時瞻仰共植善根為得所聞諸佛法故時

天帝釋即復本形在彼前任曲躬合掌讚言
大士善哉善哉為法至誠堅固乃今過去諸
佛為菩薩時亦如大士以堅固願求深般若
波羅蜜多方便善巧請問菩薩所學所乘所
行所作心無厭倦成熟有情嚴淨佛土已證
無上正等菩提大士當知我實不用人血心

髓但來相試今何所願我當相與以酬輕觸
損惱之愆彼即報言我本所願唯有無上正
等菩提天主頗能與斯願不時天帝釋赧然
有愧而白彼言此非我力唯有諸佛大聖法
王於法自在能與斯願大士今應除無上覺
更求餘願我當與之彼便報曰甚深般若波

羅蜜多亦我所願頗能惠不時天帝釋倍復
生慙而白彼言我於此願亦不能與然我有
力令大士身平復如故用斯願不彼復報言
如是所願自能滿足無勞天主所以者何我
若答告十方諸佛發誠諦言今自賣身實為
慕法不懷諂詐誑惑世間由此因緣定於無

上正等菩提不退轉者令我身形平復如故
此言未訖自能令我平復如故豈假天威天
帝釋言如是如是佛之神力不可思議菩薩
至誠何事不辦然由我故損大士身唯願慈
悲許辦斯事時彼大士告帝釋言既今殷勤
當隨汝意時天帝釋即現天威令彼身形平

復如故乃至不見少分瘡痕形貌端嚴過於
往日愧謝右繞忽然不現我既見彼希有之
事轉增愛敬合掌白言願降慈悲暫臨我宅
所須供養甚深般若波羅蜜多及說法師法
湧菩薩供養之具為白父母一切當得我及
侍從亦辭父母隨大士往具妙香城為欲供

養甚深般若波羅蜜多及說法師法湧菩薩摩訶薩故令彼大士以我至誠不遺所願來至門首唯願父母多與珍財及許我身并先事我五百侍女持諸供具咸當隨從常啼菩薩往妙香城禮敬供養甚深般若波羅蜜多及說法師法湧菩薩為得所聞諸佛法故令

時父母聞女所說歡喜踊躍歎未曾有便告女言如汝所說常啼菩薩甚為希有能探如是大功德鎧勇猛精進求諸佛法所求佛法微妙最勝廣大清淨不可思議能引世間諸有情類令獲殊勝利益安樂汝於是法既深愛重欲隨善友持諸供具往妙香城供養般

若波羅蜜多及說法師法湧菩薩為欲證得諸佛法故我等云何不生隨喜今聽汝去我等亦欲與汝相隨汝歡喜不女即白言甚大歡喜我尚不碍餘人善法況父母耶父母報言汝應嚴辦供具侍從速當共往時長者女即便營辦五百乘車七寶嚴飾亦令五百常

隨侍女恣意各取眾寶嚴身復取金銀吠琉璃寶頸腋迦寶末尼真珠帝青大青螺貝璧玉珊瑚琥珀杵藏石藏及餘無量異類珍財種種華香衣服瓔珞寶幢幡蓋伎樂蘇油上妙珍財各無量種并餘種種上妙供具其女既辦如是事已恭敬啟請常啼菩薩前乘一

車身及父母侍女五百各乘一車圍繞侍從常啼菩薩漸漸東去至妙香城見城高廣七重成就於其城外周市皆有七寶所成七重垣牆七重樓觀七重欄楯七重寶漸七重行列寶多羅樹是垣牆等互相間飾發種種光甚可愛樂此大寶城面各十二踰繕那量清

淨寬廣人物熾盛安隱豐樂中有五百街巷市鄽度量相當端嚴如畫於諸衢陌各有清流亘以寶舫往來無擁一一街巷清淨嚴飾灑以香水布以名華城及垣牆皆有却敵雉堞樓閣紫金所成瑩以眾珍光明輝煥於雉堞間廁以寶樹是一一樹根莖枝葉及以華

果皆別寶成城垣樓閣及諸寶樹覆以金網連以寶繩懸以金鈴綴以寶鐸微風吹動發和雅音譬如善奏五支諸樂城外周匝七重寶壑八功德水彌滿其中冷燭調和清澄皎鏡水中處處有七寶船間飾莊嚴衆所樂見諸壑水內具衆妙華色香鮮郁遍覆水上有

五百苑周窠大城種種莊嚴甚可喜樂一一苑內有五百池其池縱廣一俱盧舍七寶莊飾悅可衆心於諸池內有四色華量如車輪映蔽于水其華皆以七寶所成諸池苑中多有衆鳥音聲相和聚散遨遊漸復前行即便遙見法湧菩薩摩訶薩正處七寶臺坐師子

九卷

座無量無數百千俱脰那度多衆前後圍繞而爲說法尔時常啼菩薩摩訶薩最初遙見法湧菩薩摩訶薩故身心悅樂譬如苾芻繫念一境忽然得入第三靜慮既遙見已作是念言我等不應乘車而趣法湧菩薩摩訶薩所作是念已即便下車整理衣服時長者女

及彼父母侍女五百亦皆下車各以上妙衆寶衣服嚴飾其身持諸供具恭敬圍繞常啼菩薩徐行而趣法湧菩薩摩訶薩所其路邊有法湧菩薩所營七寶大般若臺以赤旃檀而爲塗飾懸寶鈴鐸出微妙音周匝皆垂真珠羅網於臺四角懸四寶珠以爲燈明晝夜

常照寶臺四面有四香爐白銀所成衆寶嚴飾恒時燒以黑沉水香散衆妙華而爲供養臺內有座七寶所成其上重敷茵褥綺帔於斯座上復有一函四寶合成莊嚴綺麗一金二銀三吠琉璃四帝青寶真金葉上銷琉璃汁書以般若波羅蜜多置此函中恒時封印

臺中處處懸寶幡華間飾莊嚴甚可愛樂常啼菩薩長者女等見此寶臺莊嚴殊妙合掌恭敬歎未曾有復見帝釋與其無量百千天衆在寶臺邊持天種種上妙香末及衆寶屑微妙香華金銀華等散寶臺上於虛空中奏天伎樂常啼菩薩見是事已問帝釋言何緣

天主與諸天衆供養此臺天帝釋曰大士今者豈不知耶於此臺中有無上法名深般若波羅蜜多是諸如來應正等覺及諸菩薩摩訶薩母能生能攝一切如來應正等覺及諸菩薩摩訶薩衆若菩薩摩訶薩能於此中精勤修學速到一切功德彼岸速能成辦一切佛法速能證得一切智智由是因緣我等於此與諸眷屬恭敬供養常啼菩薩聞已歡喜尋聲復問天帝釋言如是所說甚深般若波羅蜜多今在何處我欲供養唯願示之天帝釋言大士知不甚深般若波羅蜜多在此臺中七寶座上四寶函內真金爲葉吹琉璃寶

共往詣法湧菩薩摩訶薩所到已皆見法湧菩薩坐師子座大衆圍繞即以華香寶幢幡蓋衣服瓔珞伎樂燈明諸珍寶等散列供養此說法師及所說法法湧菩薩威神力故即令所散種種妙華於虛空中當其頂上欽然合作一妙華臺衆寶莊嚴甚可愛樂復令所散種種妙香於虛空中當華臺上欽然合成一妙香蓋種種珍寶而爲嚴飾復令所散諸妙寶衣於虛空中當香蓋上欽然合成一妙寶帳亦以衆寶間飾莊嚴其所散列寶幢幡蓋伎樂燈明諸瓔珞等自然湧在臺帳蓋邊周匝莊嚴如巧安布常啼菩薩長者女等見是事已歡喜踊躍異口同音皆共稱歎法湧菩薩摩訶薩言今我大師甚爲希有能現如是大威神力爲菩薩時尚能如是況得無上正等菩提是時常啼及長者女并諸眷屬深心愛重法湧菩薩摩訶薩故皆發無上正等覺心作是願言我等由此殊勝善根願當來

世必成如來應正等覺我等由此殊勝善根願當來世精勤修學菩薩道時於深法門通達無礙如今大師法湧菩薩我等由此殊勝善根願當來世精勤修學菩薩道時能以上妙七寶臺閣及餘供具供養般若波羅蜜多如今大師法湧菩薩我等由此殊勝善根願

當來世精勤修學菩薩道時處大衆中坐師子座宣說般若波羅蜜多甚深義理都無所畏如今大師法湧菩薩我等由此殊勝善根願當來世精勤修學菩薩道時成就般若波羅蜜多巧方便力速能成辦所求無上正等菩提如今大師法湧菩薩我等由此殊勝善

根願當來世精勤修學菩薩道時得勝神通變化自在利益安樂無量有情如今大師法湧菩薩常啼菩薩及長者女并諸眷屬持諸供具供養般若波羅蜜多及說法師法湧菩薩摩訶薩已頂禮雙足合掌恭敬右繞三匝却住一面尔時常啼菩薩摩訶薩曲躬合掌

白法湧菩薩摩訶薩言我常樂居阿練若處求深般若波羅蜜多曾於一時欬然聞有空聲曰咄善男子汝可東行決定得聞甚深般若波羅蜜多我聞空中如是教已歡喜踊躍即便東行未久之間作如是念我寧不問彼空中聲遣我東行去當遠近至何城邑復

從誰聞甚深般若波羅蜜多作是念已即任其處搥胸悲歎愁憂啼泣經七晝夜不辭疲倦不念睡眠不思飲食不想晝夜不怖寒熱於内外法心不散亂唯作是念我於何時當聞般若波羅蜜多我先何故不問空聲勸我東行去當遠近至何處所復從誰聞甚深般

若波羅蜜多我於如是憂愁啼泣自歎恨時欬於我前有佛像現告我言善男子汝以如是勇猛精進愛樂恭敬求法之心從此東行過於五百踰繕那量有大王城名具妙香中有菩薩名爲法湧常爲無量百千有情宣說般若波羅蜜多汝當從彼得聞般若波羅蜜

多又善男子法湧菩薩是汝長夜清淨善友
示現教導讚勵慶喜令汝速證所求無上正
等菩提法湧菩薩於過去世以勤苦行求深
般若波羅蜜多亦如汝今求之方便汝宜速
往法湧菩薩摩訶薩所勿生疑難莫計畫夜
不久當聞甚深般若波羅蜜多我時得聞如
是語已心生適悅踴躍歡喜作是思惟何時
當見法湧菩薩從彼得聞甚深般若波羅蜜
多聞已便能永斷種種虛妄分別有所得見
疾證無上正等菩提作是念時於一切法即
能現起無障智見由斯智見即得現入無量
殊勝三摩地門我住如是三摩地中現見十

九卷

方無量無數無邊世界諸佛如來為諸菩薩
摩訶薩眾宣說般若波羅蜜多時諸如來應
正等覺咸共讚慰殷勤教誡教授我言善哉
善哉善男子我等本行菩薩道時亦如汝今
以勤苦行求深般若波羅蜜多於勤苦時亦
如汝今現得如是諸三摩地我等今時得是

無量勝三摩地究竟修已則能成辦甚深般
若波羅蜜多方便善巧由斯能辦一切佛法
便得住於不退轉地時十方佛廣教慰我今
歡喜已忽然不現我從所證三摩地起不見
諸佛心懷惆悵作是思惟我向所見十方諸
佛先從何來今往何所誰能為我斷如是疑
復作是念法湧菩薩久已修學甚深般若波
羅蜜多方便善巧已得無量陀羅尼門及三
摩地於諸菩薩自在神通已到究竟已曾供
養無量如來應正等覺於諸佛所發弘誓願
種諸善根於長夜中為我善友常攝受我今
獲利樂我當疾詣法湧菩薩摩訶薩所問向
所見十方諸佛先從何來今往何所彼能為
我斷如是疑我於今時作是念已勇猛精進
漸復東行在苾芻多時入此城邑漸復前進遙
見大師處七寶臺坐師子座大眾圍繞而為
說法我於是處初見大師身心悅樂譬如苾
芻忽然得入第三靜慮故我今者請問大師

我先所見十方諸佛先從何來今往何所唯願爲我說彼諸佛所從至處令我了知知已生生常見諸佛

初分法湧菩薩品第七十八

余時法湧菩薩摩訶薩告常啼菩薩摩訶薩言善男子一切如來應正等覺明行圓滿善

末

逝世間解無上丈夫調御士天人師佛薄伽梵所有法身無所從來亦無所去何以故善男子諸法實性皆不動故善男子諸法真如無來無去不可施設如是真如即是如來應正等覺廣說乃至佛薄伽梵善男子諸法法界無來無去不可施設如是法界即是如來應正等覺廣說乃至佛薄伽梵善男子諸法法性無來無去不可施設如是法性即是如來應正等覺廣說乃至佛薄伽梵善男子不虛妄性無來無去不可施設不虛妄性即是如來應正等覺廣說乃至佛薄伽梵善男子不變異性無來無去不可施設不變異性即

是如來應正等覺廣說乃至佛薄伽梵善男子法平等性無來無去不可施設法平等性即是如來應正等覺廣說乃至佛薄伽梵善男子法離生性無來無去不可施設法離生性即是如來應正等覺廣說乃至佛薄伽梵善男子諸法定性無來無去不可施設諸法定性即是如來應正等覺廣說乃至佛薄伽梵善男子諸法住性無來無去不可施設諸法住性即是如來應正等覺廣說乃至佛薄伽梵善男子諸法實際無來無去不可施設諸法實際即是如來應正等覺廣說乃至佛薄伽梵善男子法虛空界無來無去不可施設法虛空界即是如來應正等覺廣說乃至佛薄伽梵善男子不思議界無來無去不可施設不思議界即是如來應正等覺廣說乃至佛薄伽梵善男子法無生性無來無去不可施設法無生性即是如來應正等覺廣說乃至佛薄伽梵善男子法無滅性無來無去

不可施設法無滅性即是如來應正等覺廣說乃至佛薄伽梵善男子法如實性無來無去不可施設法如實性即是如來應正等覺廣說乃至佛薄伽梵善男子法遠離性無來無去不可施設法遠離性即是如來應正等覺廣說乃至佛薄伽梵善男子法寂靜性無來無去不可施設法寂靜性即是如來應正等覺廣說乃至佛薄伽梵善男子無染淨界無來無去不可施設無染淨界即是如來應正等覺廣說乃至佛薄伽梵善男子諸法空性無來無去不可施設諸法空性即是如來應正等覺廣說乃至佛薄伽梵善男子一切

復次善男子譬如有人熱際後分遊於曠野日中渴乏見陽焰動作是念言我於今時定當得水作是念已遂便往趣所見陽焰漸去甚遠即奔逐之轉復見遠種種方便求水不得善男子於意云何是焰中水從何山谷泉池中來今何所去爲入東海爲入西海南北海耶常啼答言陽焰中水尚不可得況當可說有所從來及有所至法湧菩薩語常啼言如是如是如汝所說如彼渴人愚癡無智爲熱所逼見動陽焰於無水中妄生水想若謂如來應正等覺有來有去亦復如是當知是人愚癡無智何以故善男子一切如來應正等覺不可以色身見夫如來者即是法身善男子如來法身即是諸法真如法界真如法界既不可說有來有去如來法身亦復如是無來無去復次善男子譬如幻師或彼弟子幻作種種象軍馬軍車軍步軍及牛羊等經須臾頃忽然不現善男子於意云何是幻所

作從何而來去何所至常啼答言幻事非實如何可說有來去處法湧菩薩語常啼言如是如是如汝所說若執幻事有來云者當知彼人愚癡無智若謂如來應正等覺有來有去亦復如是當知是人愚癡無智何以故善男子一切如來應正等覺不可以色身見夫

如來者即是法身善男子如來法身即是諸法真如法界真如法界既不可說有來有去如來法身亦復如是無來無去復次善男子如鏡等中有諸像現如是諸像暫有還無善男子於意云何是鏡等像為從何來去何所至常啼答言諸像非實如何可說有來去處

法湧菩薩語常啼言如是如是如汝所說若執諸像有來去者當知彼人愚癡無智若謂如來應正等覺有來有去亦復如是當知是人愚癡無智何以故善男子一切如來應正等覺不可以色身見夫如來者即是法身善男子如來法身即是諸法真如法界真如法

界既不可說有來有去如來法身亦復如是無來無去復次善男子如谷等中有諸響現如是諸響暫有還無善男子於意云何是谷等響為從何來去何所至常啼答言諸響非實如何可說有來去處法湧菩薩語常啼言如是如是如汝所說若執諸響有來去者當

知彼人愚癡無智若謂如來應正等覺有來有去亦復如是當知是人愚癡無智何以故善男子一切如來應正等覺不可以色身見夫如來者即是法身善男子如來法身即是諸法真如法界真如法界既不可說有來有去如來法身亦復如是無來無去

大般若波羅蜜多經卷第三百九十九 霜

釋音

十二足

憇去乳反 被而女反 璧玉上必反 驚駭下胡反 傲遊高上反 俱胝下反 度多上於反 屑先反

御武路在城仁壽坊黃苑... 叶宜只代抄神治州一卷... 納福基蓋園善美殊高產... 增宗子轉善行樂與保符字...

都大勸緣榮祿大夫吳國公 亦憲美

福建道建寧府建陽縣后山報恩萬壽堂副教陳 覺琳 恭為

全上 壽極延 聖壽萬歲文武官僚同資 極位恭敷雕刊

延祐二年 月 日 謹題

大般若波羅蜜多經卷第四百 霜

三藏法師 玄奘奉 詔譯

初分法湧菩薩品第七十八之二

復次善男子譬如光影種種形相現有動搖
轉變差別善男子於意云何如是光影為從
何來去何所至常啼答言光影非實如何可
說有來去處法湧菩薩語常啼言如是如是
如汝所說若執光影有來去者當知彼人愚
癡無智若謂如來應正等覺有來有去亦復

如是當知是人愚癡無智何以故善男子一
切如來應正等覺不可以色身見夫如來者
即是法身善男子如來法身即是諸法真如
法界真如法界既不可說有來有去如來法
身亦復如是無來無去復次善男子如尋香
城現有物類如是物類暫有還無善男子於
意云何是尋香城所有物類為從何來去何
所至常啼答言是尋香城所有物類皆非實
有如何可說有所從來去有所至法湧菩薩
語常啼言如是如是如汝所說執尋香城所
有物類有來去者當知彼人愚癡無智若謂
如來應正等覺有來有去亦復如是當知是
人愚癡無智何以故善男子一切如來應正
等覺不可以色身見夫如來者即是法身善
男子如來法身即是諸法真如法界真如法
界既不可說有來有去如來法身亦復如是
無來無去復次善男子如諸如來應正等覺
所變化事暫有還無善男子於意云何諸變